



## Amcan Llesiant 1

Dechrau'n Dda - Helpu i roi'r dechrau gorau mewn bywyd i bob plentyn a gwella eu profiadau yn gynnar mewn bywyd

### Nifer y plant sy'n Derbyn Gofal wedi parhau i leihau

Mae gennym un o'r niferoedd isaf yng Nghymru o Blant sy'n Derbyn Gofal. Mae timau ataliol megis y gwasanaeth Cymorth i Deuluoedd a'r tîm Ar Ffiniau Gofal wedi cael eu hailwampio i ganolbwyntio ar weithio'n ddwys gyda theuluoedd a phlant, er mwyn ceisio osgoi'r angen am ymyrraeth statudol pryd bynnag y bo hynny'n bosibl. Mae arferion systematig sy'n cynnwys y model *Signs of Safety* yn rhan annatod o'n timau gofal plant. Mae'r rhaglen Teuluoedd yn Gyntaf ddiwygiedig, sy'n cynnwys 13 o brosiectau, wedi bod yn cyflawni amrywiaeth o weithgareddau mewn partneriaeth ag asiantaethau eraill gyda'r nod o atal a lliniaru effeithiau Profiadau Niweidiol yn ystod Plentyndod (ACEs). Dechreuwyd cyflwyno'r cynnig gofal plant am ddim am 30 awr yn llawn ym mis Ionawr 2019.

### Pam y mae hyn yn bwysig

- Gan fod rhoi'r cychwyn gorau mewn bywyd i bob plentyn yn hanfodol er mwyn lleihau anghydraddoldebau yn ystod cwrs bywyd
- Mae ymyrraeth gynnar yn allweddol i iechyd a llesiant hirdymor. Mae'r hyn sy'n digwydd yn ystod y blynyddoedd cynnar hyn yn cael effaith gydol oes ar sawl agwedd ar iechyd a llesiant - o ordewdra, clefyd y galon ac iechyd meddwl i gyflawniad addysgol a statws economaidd
- Gan fod Plant sy'n Derbyn Gofal yn fwy tebygol o fod wedi bod yn agored i risgiau niferus sy'n gysylltiedig â chanlyniadau gwael yn y tymor hir cyn dechrau derbyn gofal


### Mesur Llwyddiant

**10.4%** o blant mewn gofal oedd wedi gorfod symud 3 gwaith neu fwy



### Egluro'r Canlyniadau


% y Plant sy'n Derbyn Gofal ar 31 Mawrth 2017 sydd wedi newid ysgol unwaith neu fwy yn ystod y flwyddyn (Siart 1)



Mae sefydlogrwydd mewn ysgolion hefyd yn ffactor pwysig wrth wella canlyniadau, ac mae'n bwysig nodi bod plant sy'n derbyn gofal yn Sir Gaerfyrddin yn profi llawer llai o symudiadau ysgol nag yn unman arall yng Nghymru – 0.9% yn ystod 2018/19 (gwel na chyfartaledd Cymru sef 11.5% yn 2017/18) *(Gweler Siart 2)*

Rydym wedi gweld gostyngiad bach mewn perfformiad eleni gydag 19 o blant wedi symud 3 gwaith neu fwy o gymharu ag 17 yn ystod 2017/18. Fodd bynnag, mae'n dangos gwelliant cyffredinol o 4.5% ers 15/16. *(Gweler Siart 1)*

% y Plant sy'n Derbyn Gofal ar 31 Mawrth 2017 sydd wedi cael 3 lleoliad neu fwy yn ystod y flwyddyn (Siart 2)



Yn y **tymor hir** erys ein pwyslais ar atal a chadw plant yn eu cartrefi gyda'u teuluoedd, y tu allan i'r system ofal lle bynnag y bo'n bosibl, yn ogystal â darparu adnoddau ychwanegol i ofalwyr maeth i gefnogi plant yn eu gofal er mwyn osgoi'r angen i symud lle bynnag y bo'n bosibl.

## Y cynnydd a wnaed

- ⊙ **Bydd cynnig 30 awr o ofal plant am ddim** yn arbed arian sylweddol i lawer o deuluoedd yn Sir Gaerfyrddin. Hyd yn hyn mae **557** o geisiadau wedi dod i law gan rieni/gofalwyr Sir Gaerfyrddin, mae **180** o ddarparwyr Gofal Plant yn Sir Gaerfyrddin wedi llofnodi contractau, ac mae **£172,640.25** mewn taliadau wedi cael eu gwneud i ddarparwyr gofal plant ers gweithredu'r cynnig.
- ⊙ Rydym yn parhau i ymestyn y dull **Tîm o Amgylch y Teulu** (TAF) ar draws y sir ar gyfer pobl ifanc 0-25 oed. Mae'r ddogfen Cymhwysedd ynghylch trothwyon a mynediad at wasanaethau TAF wedi'u cwblhau. Mae Fframwaith Asesu'r Teulu ar y Cyd newydd, a'r prosiect TAF mewn ysgolion newydd hefyd wedi dechrau cael ei roi ar waith ers Ebrill 2019.
- ⊙ Cafodd **9291 o unigolion** gymorth gan brosiectau **Teuluoedd yn Gyntaf** yn ystod 2018/19. O Ebrill 2019 bydd y rhaglen Teuluoedd yn Gyntaf yn cael ei chynnwys gyda 6 ffrwd gyllido arall dan y Grant Plant a Chymunedau.
- ⊙ Mae gwasanaeth **Dechrau'n Deg** yn cael ei gyflwyno'n llawn ar draws 18 ardal, gan gwmpasu 768 o godau post yn Sir Gaerfyrddin. Mae Ymwelwyr Iechyd Dechrau'n Deg yn darparu Rhaglen Plant Iach Cymru drwy ddull amlddisgyblaeth.
- ⊙ Mae hyfforddiant **ymwybyddiaeth o ymlyniad** wedi cael ei roi i bob un o'r 73 o ysgolion sydd â phlant sy'n derbyn gofal, ac mae'n rhan o'r hyfforddiant craidd yng ngham un y 'rhaglen trawsnewid ymddygiad' mewn ysgolion.
- ⊙ Mae grŵp ymgynghori ar gyfer plant â phrofiad o ofal o'r enw ECHOES, sy'n cael ei redeg ar y cyd â 'Voices from Care' a'r Gwasanaethau Plant, wedi datblygu Strategaeth Rhianta Corfforaethol 2019.

## DATHLU LLWYDDIANT: PLANT SY'N DERBYN GOFAL A'R RHAI SY'N GADAEI GOFAL GŴYL DDATHLU

Yng nghwmni swyddogion y Cyngor, cafodd nifer o blant a phobl ifanc wobwr am eu llwyddiant academaidd, eu gwaith celf, a'u cyfraniadau ym maes chwaraeon ac wrth wirfoddoli. Rhywun ifanc oedd arweinydd y digwyddiad ac fe wnaeth ei waith yn effeithiol iawn, a rhoddwyd sgwrs arbennig.



Yr Aelod o'r Bwrdd Gweithredol  
dros Addysg a Phlant  
Y Cyngorydd Glyn Davies



Cliciwch yma i gael gweld [ein cynnydd manwl](#)  
o ran yr amcan hwn.